



---

Preschaints                      225 votantas e votants

---

## Tractandas

- 1            **Tscherna dals scrutinadurs e dal büro electoral**
- 2            **Approvaziun d'ün credit d'investiziun per la sanaziun e l'ingrondimaint da la chasa da scoula a Zernez ill'otezza da 9'600'000 chf (inclus ipv)**
- 3            **Decisiun a regard la destinaziun turistica futura per Zernez**
  - 3.1 **Approvaziun da la collavuraziun culla DMO TESSVM a Scuol a partir dals 1-1-2019 i'l import da 650'000 chf per on**
  - 3.2 **Approvaziun da princip per la cumpra d'acziun da la TESSVM SA**
- 4            **Comunicaziuns e varia**  
**Infuormaziuns davart da la Cooperativa Vita e Chüra Zernez**

Il president cumünal Emil Müller salüda a las votantas ed als votants a quista radunanza cumünala. El ha constatà cha la bannida es gnüda protramissa a temp. El desista sülla prelecziun da las votantas e dals votants s-chüsats per quista saira.

Ün votant propuona da müdar la tractanda no. 3 culla proposta da proseguir cullas duos destinaziuns sco fin quia. La radunanza cumünala ha decis in üna votaziun cun 165 vuschs cunter 36 vuschs da laschar la glista da tractandas sco protramissa in mincha chasada. Cun quai vain la glista da tractandas approvada.

Il protocol no. 03/2017 da la radunanza cumünala dals 12 december 2017 es stat publichà dals 6 favrer fin als 8 marz 2018. Cunter quist protocol nun es entrada ingüna protesta. Cun quai vala il protocol sco approvà.

In seis pled introductiv manzuna il president ils duos temas fich importants chi vegnan decis a quista radunanza cumünala. Per la sanaziun e l'ingrondimaint da la chasa da scoula sco eir per la futura destinaziun turistica han gnü lö i'l decuors da quist on mincha vouta üna radunanza d'orientaziun. Our da quel motiv nu s'haja plü invidà ils perits in chosa per quista radunanza cumünala. Il president manzuna cha cun l'introducziun vules el animar als votants ed a las votantas da discutir, giavüscha però chi vain tgnü il respet vicendaivel e da controllar las emeziuns.

### 1            **Tscherna dals scrutinadurs e dal büro electoral**

Sco scrutinadurs in sala sun gnüts tschernüts Claudio Taisch e Linard Godly. I'l büro electoral es gnü tschernü amo supplementariamaing Stefan Bühler sco president da tal.

### 2            **Approvaziun d'ün credit d'investiziun per la sanaziun e l'ingrondimaint da la chasa da scoula a Zernez ill'otezza da 9'600'000 chf (inclus ipv)**

La chasa da scoula in Urtatsch, chi'd es gnüda fabrichada avant sur 45 ons, es in ün fich nosch stadi e sto pervi da quai gnir sanada urgiaintamaing. Implü mancan tschertas localitats sco p. ex. aula, stanzas da gruppa eui. chi sun indispensablas per garantir ün andamaint da scoula adequat al temp d'hozindi. Eir las prescripziuns

reguard il fabrichar confuorm als bsögns da personas cun impedimaint nu sun per part resguardadas. Inavant sto gnir sanà l'edifizi per quai chi pertocca substanzas nuschaivlas, sco asbest eui. Il proget da sanaziun e d'ingrondimaint da la chasa da scoula, chi'd es gnü elavurà in connex cul proget Zernez Energia 2020 – pilot II, es gnü surlavurà i'ls ultims mais da la «cumischiun chasa da scoula». Ils cuosts cumplexsivs per la sanaziun/ingrondimaint da la chasa da scoula s'amuntan a total 9.6 miu. francs (inclus ipv). Da quels sun raduond 7,5 miu. previs per la sanaziun e'l rest pel fabricat annex. Quist annex es planisà e previs da fabricar in ün sistem modular chi permetta plü tard sainza problems ün eventual ulterior schlargiamaint.

Als 14 marz 2018 ha gnü lö üna radunanza d'orientaziun publica in chasa da scoula. A quista sairada bain frequentada as ha pudü s'infuormar sur dal stadi da la chasa da scoula, sur dal proget actual, da sias singulas parts e sur dal program chi prevezza la planisaziun e sondaschas d'urant l'on 2018 (500'000 chf), la fabrica da l'annex cun adattamaints per la sanaziun da la chasa da scoula dal 2019 (1'500'000 chf), la sanaziun da la chasa da scoula s'vess lura in seguit d'urant ils trais ons 2020 (2'500'000 chf) e 2021 (3'000'000 chf) e 2022 (2'100'000 chf). La finischun dal proget es previs per la fin da lügl 2022.

Per la realisaziun faja eir dabsögn d'üna revisiun da la planisaziun locala per zonar intuorn la surfatscha correspondent a d'uossa zona per implants publics (ZöA – Zone öffentliche Anlagen) illa zona per implants e fabricats publics (ZöBA – Zone öffentliche Bauten und Anlagen). Quista planisaziun es inviada e vain preschantada ad üna radunanza cumünala ed a la votaziun a l'urna amo i'l 2018.

**Sainza far adöver da la discussiun accepta la radunanza cumünala cun unanimità da vuschs e cun 4 vuschs abstgnüdas il credit d'investiziun cumplexsiv ill'otezza da 9'600'000 chf (inclus ipv).**

### **3 Decisiun a regard la destinaziun turistica futura per Zernez**

#### **3.1 Approvaziun da la collavuraziun culla DMO TESSVM a Scuol a partir dals 1-1-2019 i'l import da 650'000 chf per on**

Sülla fin da l'on 2018 scada il contrat da collavuraziun tanter la destinaziun turistica TESSVM (Turissem Engiadina Scuol Samignun Val Müstair) culs anteriurs cumüns da Susch e Lavin ed il contrat da collavuraziun tanter la destinaziun turistica ESTM (Engadin St. Moritz) cun l'anterieur cumün da Zernez/Brail. Quist fat ha chaschunà d'urant ils duos ultims ons blera lavur e rumpatesta.

Als 21 favrer 2018 ha gnü lö üna radunanza d'orientaziun i'l auditori dal Parc Naziunal Svizzer a la quala han d'üna vart las duos destinaziuns turisticas (DMO Destinationsmanagement Organisation) TESSVM ed ESTM preschantà lur offertas per üna futura collavuraziun cul cumün fusiunà e da l'otra vart han personas interessadas pudü far dumondas e manar üna buna discussiun in chosa.

La cumischiun da turissem ha in incumbenza da la suprastanza cumünala preparà ün dossier fich detaglià chi cuntegna bleras infuormaziuns in quist connex. Il dossier sta a disposiziun in fuorma stampada al fanestrigl da l'administraziun cumünala e/o in fuorma digitala sülla pagina d'internet [www.zernez.ch](http://www.zernez.ch).

Ün riassunt da quist dossier, in lingua tudais-cha, fuorma part da la bannida e cun quai eir dal protocol.

#### **Schlussfolgerung und Empfehlung**

*Der Standort der Gemeinde Zernez zwischen vier Tourismusdestinationen und ins besonders die Situation im Tal mit der Destination ESTM auf der einen und der Destination TESSVM auf der anderen Seite ist nicht ganz einfach, zumal aus Gästesicht die Destinationsgrenzen keine Bedeutung spielen und die Zusammenarbeit mit beiden Organisationen ihre Vor- und Nachteile hat. Aus Zernerer Sicht ist aber gerade diese zentrale Lage eines der Hauptverkaufsargumente und ein Trumpf den Zernez bei der touristischen Vermarktung ausspielen müsste.*

*Der Tourismus ist auch für Zernez einer der wichtigsten Wirtschaftsmotoren. Die immer wieder neuen Herausforderungen (Klimawandel, Frankenstärke, Digitalisierung, Konkurrenz, Wirtschaftsentwicklung...) verlangen nach immer mehr Know-how, mehr Ressourcen und eine hohe Flexibilität aller Beteiligten. Dass der*

*Entscheid von Zernez weitreichende Konsequenzen auch für die Region haben kann, vereinfacht die Situation auch nicht. Trotzdem muss ein Entscheid getroffen werden. Einer der hoffentlich langfristig Bestand haben wird damit sich die Verantwortlichen voll und ganz auf das eigentliche touristische Produkt und den Gast konzentrieren können.*

### **Warum braucht es eine Tourismusmanagement-Organisation (DMO)?**

*Grundsätzlich ist die DMO für die Vermarktung der Destination zuständig bzw. für die Vermarktung der vor Ort vorhandenen Angebote. Dafür stellt sie das notwendige Know-how in den verschiedensten Bereichen der Kommunikation zur Verfügung. Ein Bereich der sehr schnelllebig und immer wieder neuen Trends ausgesetzt ist. Eine Webseite z.B. muss alle 3-5 Jahre neu aufgesetzt werden und was heute „in“ ist, ist morgen schon wieder „out“.*

*Weiterer Gründe, die für den Anschluss an eine DMO sprechen, sind die Synergien die man nutzen kann, z.B. im Bereich Vermarktungsplattformen, Webseiten, Veranstaltungskalender usw. Aber auch die Bündelung und Vernetzung der Kräfte in einer Region sind wichtig zur Verbesserung des touristischen Angebots.*

*Die Variante ohne DMO bedeutet den Alleingang. Ein Weg der für Zernez wahrscheinlich etwas mehr Ressourcen für die Angebotsentwicklung bringen, die Gemeinde im Tal aber völlig isolieren würde und mit der Konsequenz, dass man den Marktanschluss verlieren würde. Um dies zu verhindern reicht auch die Kraft des Schweizerischen Nationalparks nicht aus. Grosse Kosteneinsparungen sind mit dem Alleingang nicht zu erwarten. Zudem hat man in den letzten Jahren viel in die DMO's investiert. Es wäre schade, wenn man das alles „wegwerfen“ würde, um dann vielleicht in ein paar Jahren wieder zurückkehren zu wollen und alles wieder neu aufbauen müsste.*

*Somit bleiben als Optionen, der Weg mit der Destination Engadin St. Moritz (ESTM) AG oder mit der Destination Engadin Scuol Samnaun Val Müstair (TESSVM) AG. Beides Partner mit denen man in der Vergangenheit sehr gut kooperiert hat und die beteuert haben, dass man in Zukunft gewillt ist, auch über die Destinationsgrenze hinaus zusammenzuarbeiten. Was ganz im Sinne der Gemeinde Zernez ist.*

### **Was spricht für die Destination ESTM AG**

*Hauptgründe, die für die Zusammenarbeit mit der ESTM AG sprechen sind die neue Strategie, welche eine Abkoppelung der Marke Engadin von der Marke St. Moritz vorsieht mit der Folge, dass Zernez dadurch besser zur Marke passt. Die Stärke (Marketingbudget von 10 Millionen CHF) und Bekanntheit der Destination am Markt, die Professionalität und Dynamik der Organisation und die Tatsache, dass das touristische Angebot in der Destination sehr umfangreich, hochstehend und attraktiv ist sprechen ebenfalls für eine Zusammenarbeit mit der ESTM AG.*

*Ebenfalls für diese Zusammenarbeit spricht, dass die meisten Zernezer Hoteliers sich für diese Option aussprechen und sie sich somit mit der DMO identifizieren. Man rechnet sich vor allem im Winter bessere Marktchancen bei der ESTM AG aus.*

*Gegen die Zusammenarbeit mit der ESTM AG sprechen die sehr hohen Kosten (mit der Frage ob man sich das leisten kann) und das die Gemeinde Zernez politisch einer anderen Region angehört. Zudem spielen einige Gemeinden finanziell in einer anderen Liga, was eine Diskussion auf Augenhöhe schwierig macht.*

*Zusammengefasst: Mit der ESTM gewinnt man einen sehr starken Partner und den Anschluss an eine Destination die sehr dynamisch, professionell und attraktiv ist. Wenn sich Zernez gegen die ESTM aussprechen würde, dann verliert man vor allem den Zugang zu attraktiven Wintersportangeboten (Winter-Packages) und Tourismusprojekten im Oberengadin.*

### **Was spricht für die Destination TESSVM AG**

*Für eine Zusammenarbeit mit der TESSVM sprechen die tieferen Kosten und dass man politisch der gleichen Region angehört. Aber auch die ähnlichere Gästestruktur, das Angebot eines Sitzes im Verwaltungsrat und die Möglichkeit der beschränkten Mittelflussteuerung sprechen dafür. Zudem hat man im Verlauf der Verhandlungen und bei den Präsentationen festgestellt, dass der Schweizerische Nationalpark, das touristische Zugpferd der Gemeinde Zernez, bei der TESSVM einen höheren Stellenwert genießt.*

*Gegen eine Zusammenarbeit mit der Destination TESSVM sprechen die geringere Grösse und Marktbedeutung der Destination und dass für den Zernez Gast weniger attraktive Infrastrukturangebot. Zudem ist die Überführung aller Angebote in die TESSVM aufwändiger, was mit der Angebotsgrösse der Fraktionen zu tun hat.*

*Zusammengefasst: Mit der TESSVM gewinnt man einen Partner der den Schweizerischen Nationalpark stark in den Fokus rückt, Partner mit denen man auf Augenhöhe diskutieren kann und die Möglichkeit der Beteiligung an ein ÖV-inklusive-Angebot (Engadin Scuol Mobil). Wenn sich die Gemeinde Zernez gegen die TESSVM entscheiden würde, dann verliert man den Zugang zum unterengadiner Gast, der gerne die Angebote von Zernez nutzt.*

### **Schlussfolgerung TK Zernez**

*Die Tourismuskommission der Gemeinde Zernez kommt zum Schluss, dass aus touristischer Sicht, die Argumente eher für die Zusammenarbeit mit der DMO ESTM AG sprechen. Dies allerdings mit knappem Entscheid.*

### **Empfehlung des Gemeinderates**

*Der Gemeinderat hat die Empfehlung der Tourismuskommission zur Kenntnis genommen und seine anderslautende Empfehlung wie folgt argumentiert:*

#### **Politisch**

*Aus politischer Sicht macht es Sinn, dass man auch touristisch in der Region beheimatet ist, der man regionalpolitisch angehört, politisch mitredet und sich finanziell (z.B. bei Infrastrukturprojekten) beteiligt.*

#### **Ökonomisch**

*Die Gemeinde Zernez sieht sich mit grossen finanziellen Herausforderungen konfrontiert, wie die bevorstehenden Wasserzinssenkungen, grösseren Investitionen (Schulhaussanierung, Ouvra Sarsura, Sanierungen der ARA, Sanierung der Hauptstrasse,...) und kleineren Investitionen in die vorhandene Infrastruktur (Sportplätze, Schiessstand Arduond,...). So zeigen die mittelfristigen Prognosen, dass man in Zukunft den Gürtel etwas enger schnallen muss und man sich deshalb Ausgaben von CHF 630'000.- für das Tourismusmarketing nicht leisten kann. Die Marketingkosten bei der TESSVM betragen CHF 440'000.-. In diesen Beträgen sind die Kosten für die Gästefostellen von rund CHF 210'000.- nicht inbegriffen.*

*Der Gemeinderat ist sich der Bedeutung des Tourismus bewusst und vertritt die Meinung, dass man bei der TESSVM AG auch sehr gut aufgehoben ist und man keine grösseren Einbussen am Markt erleiden wird. Er kommt zum Schluss, dass man mit der ESTM AG zwar einen touristisch sehr starken Partner verliert, aber mit der TESSVM einen nicht minder attraktiven Partner gewinnt, der Zernez das nötige Know-how und die Möglichkeiten bieten kann, um touristisch für die Zukunft gewappnet zu sein. Er empfiehlt deshalb die touristische Vermarktung ab 1.1.2019 der TESSVM AG zu übertragen.*

Emil Müller muossa via in si'introducziun, cha sch'ün(a) votant(a) fetscha la proposta „ir sulet“, stopcha quella proposta gnir fatta correspondentamaing.

La suprastanta dal dicasteri e presidenta da la cumischium da turissem, Seraina Bickel salüda als votants ed a las votantas e dà üna cuorta survista correspondententa. Ella resümescha e manzuna cha la radunanza d'infuormaziun dals 21 favrer 2018 sco eir il tavulin da turissem, chi ha gnü lö la mità da marz, hajan chaschunà in cumün bunas discussiuns animadas.

Fabian Schorta, coordinatur turistic dal Cumün da Zernez surpiglia il pled e preschainta la tractanda tenor la proposta da la suprastanza cumünala. Il Parc Naziunal Svizzer sco insaina da Zernez, il sez i'l cussagl administrativ, la pussibilità da surdar mandats, la collavuraziun cun las otras destinaziuns cunfinantas, la collavuraziun cun ün team giuven e cumpetent, la stretta collavuraziun cul coordinatur turistic ed üna rait decentrala dals posts d'infuormaziun sun be ün pêr sportas cha la TESSVM offrischa al Cumün da Zernez. La collavuraziun culla destinaziun TESSVM cuostess tenor offerta annualmaing al Cumün da Zernez chf 650'000,

voul dir chf 440'000 pel marketing e raduond chf 210'000 pel post d'infuormaziun. Las plazzas da lavur pel post d'infuormaziun sun taxadas cun 210 pertschient. A Zernez dess gnir manà ün post d'infuormaziun sco fin uossa e la situaziun illas fracziuns da Susch e Lavin nun es amo sclerida. Implü esa da far quint cun ün import unic da raduond chf 14'000 per la cumpra d'acziun. Al cas cha'l chapital d'acziun gniss augmantà füssa da far quint cul import unic da fin a chf 28'000 per tala cumpra.

I segua üna discussiun animada.

Ün votant es da l'avis cha la suprastanza vess eir stuvü preschentar quista saira l'offerta da la ESTM e chi nun es gnü fatta üna proposta concreta da la suprastanza cumünala. Implü manzuna'l ch'el deplorascha chi nu saja gnü organisà ün transport cul bus pels abitantas da la fracziun da Brail.

Il president spiega cha la spüerta da transport cul bus fin a Brail saja gnüda sporta da plü bod diversas voutas. Displaschaivelmaing nun han ils abitants da Brail mai fat adöver da la spüerta e perquai nu saja il transport fingià lösch plü gnü organisà. L'offerta da la ESTM es gnüda preschantada in favrer 2018 a la radunanza d'infuormaziun ingio cha minch'ün(a) votant(a) vaiva la pussibilità d'esser da la partida. Emil Müller muossa via cha la suprastanza cumünala haja fat üna proposta correspondentia sco descrit illa bannida.

Ün oter votant laiva savair scha'ls predschs da las duos offertas sajan gnüts trattats ed in che maniera cha las offertas sajan entradas. La differenza cullas offertas dal 2011, ingio cha l'anterior Cumün da Zernez vaiva decis quella vouta per la collavuraziun cun l'Engiadin'Ota, es i sü tenor il votant per raduond ün terz.

Il president conferma cha'l Cumün da Zernez haja dat avant a tuottas duos destinaziuns las listessas pretaisas cun ün termin d'inoltraziun, quai cha la TESSVM haja raggiunt. Invezza l'offerta da l'ESTM es entrada davo il termin d'inoltraziun culla motivaziun ch'els d'eiran vi dal restructurar lur organizaziun. Quai es gnü acceptà uschè da la suprastanza cumünala. L'ESTM ha confermà cha'l predsch nu possa plü gnir trattà. Impè pro la TESSVM es quella dumonda amo averta e pudess amo gnir trattada.

Üna votanta constata cha'l Cumün da Zernez haja fingià tuot las sportas chi's douvra. Dafatta la cifra da pernottaziuns saja restada sur divers ons listessa. Ella as dumonda scha quel franc chi gniss inchaschè daplü pro las taxas da cura, scha quel pertockess eir al camping. Tenor ella es la via „ir sulet“ be üna dumonda dal predsch.

Ün ulterior votant fa la proposta da votar sur da l'agir „ir sulet“. Il president ha tut incunter la proposta. El muossa via süll'intschertezza e respet vers quel agir.

Ün votant as dumonda chi chi haja scrit il fögl volant dals hoteliers, chi'd es cumparü avant pacs dis in tuot las chasadas. Implü manzuna il votant ch'in quella charta sajan eir gnüts titulats ils hoteliers e gastronoms da Susch e Lavin, chi nu d'eiran infuormats dal agir.

Fabian Schorta, coordinatur turistic es da l'avis cha pro ün „ir sulet“ as fetscha ün mumaint ils pass sulets. I nu dess neir be esser ün experimaint. El as dumonda sco cha nossas sportas dessan rivar süs marchà cun ün tal agir. Las tecnologias d'hozindas as sto tgnair actual ed esser süs curraint e quai pretenda experienza e savair. Ün „ir sulet“ füss plüchöntscha ün regress pel Cumün da Zernez e nu gniss plü bunmarchà co fin uossa culla dumonda, quant bun cha'l resultat füss.

Ün pèr votants as dumondan scha l'agir „ir sulet“ nu saja ün pass massa ris-chà a regard las finanzas.

Ün votant as dumonda schi nu füss pussibel da fusiunar las duos destinaziuns e da collavurar cullas destinaziuns cun uschedits mandats, ingio chi's vess la pussibilità d'investir i'ls prodots dal Cumün da Zernez. Tenor conferma dals presidents cumünals d'Engiadin'Ota nun es quista varianta „a la carte“ pussibla pro l'ESTM.

Ün votant da la fracziun da Zernez constata cha las offertas nu sajan gnüdas trattadas cun üna ronda da rebass. Il president muossa via amo üna vouta cha l'ESTM nu gnia incunter cul predsch e cha culla TESSVM stopcha quella dumonda amo gnir trattada.

A la dumonda d'üna votanta da Zernez, scha'ls cuosts pel transferimaint da las sportas turisticas da Zernez sülla plattafuorma da la TESSVM saja gnü scleri po gnir respusa cun muossar chi's tratta d'ün cuost unic a man da la quantità chi ha da gnir transmissa.

Ün oter votant manzuna, cha illa bannida sco eir i'l dossier fich detaglià saja scrit „cussagl da cumün (Gemeinderat)“ invezza da „suprastanza cumünala“ e cha quist fat saja stat fich irritant. Il president piglia a cogniziun quist'intimaziun.

Ün oter votant da la fracziun da Zernez muossa via cha tuots ils abitants nun hajan gnü l'ocasiun dad ir a la radunanza d'infuormaziun dals 21 favrer 2018 e nun hajan uschè las cugnuschentschas bsögnaivlas. El constata cha la sporta d'inviern saja plü interessanta in Engiadin'Ota ed implü appartegna la gronda part dal Parc Naziunal Svizzer a Zernez.

Ün ulteriur votant da Zernez as dumonda chi chi's mettes a disposiziun per üna eventuala cumischiun chi vess d'organisar la varianta „ir sulet“. Implü as dumonda el quants ons ch'ün contrat cun üna o l'otra destinaziun düress. Emil Müller conferma ch'ün tal contrat düress pro tuottas duos destinaziuns quatter ons. El vezza i'l cas d'ün proceder „ir sulet“ cha quel düress sgüra bler plü lönch co schi gniss decis per üna destinaziun. El muossa via sco respunsabel da las finanzas quant chi vain fingià dad oura hoz per l'infrastructura e las spüertas turisticas.

Tenor ün oter votant ha hozindi minchün üna homepage chi sto gnir tgnüda actuala. El es satisfat cha'l Cumün da Zernez haja fingià tuot e chi's stopcha be avair la dretta gliedud al dret lö.

Il president Emil Müller spiega l'andamaint da la votaziun causa chi'd es gnüda fatta la proposta „ir sulet“ dad ün votant. Sco prüm vain votà per scrutin sur da la dumonda da princip: ir sulet o destinaziun. Id es gnü vuschà seguaintamaing:

- Schi = destinaziun:	156 vuschs
- Na = ir sulet:	62 vuschs
- Abstenziuns:	2 vuschs

**Cun 156 vuschs decida la radunanza cumünala da cuntinuar cun üna destinaziun. I vain subit inchaminà a la votaziun per scrutin per la destinaziun TESSVM o l'ESTM. Id es gnü vuschà seguaintamaing:**

- Schi = TESSVM:	114 vuschs
- Na = ESTM:	105 vuschs
- Abstenziuns:	4 vuschs

**La radunanza cumünala ha approvà cun 114 vuschs cunter 105 vuschs, pro 4 vuschs abstgnüdas, la collavuraziun culla destinaziun turistica DMO TESSVM a Scuol a partir dals 1-1-2019, sco proponü da la suprastanza cumünal e sco tractandà.**

### **3 Decisiun a regard la destinaziun turistica futura per Zernez**

#### **3.2 Approvaziun da princip per la cumpra d'acziun da la TESSVM SA**

Per as pudair participar activmaing a las decisiuns strategicas da la destinaziun turistica TESSVM po il Cumün da Zernez as participar al chapital d'acziun.

Culla cumpra da las acziun s'ha il dret d'occupar ün sez i'l cussagl administrativ da la TESSVM SA.

**Sainza far adöver da la discussiun accepta la radunanza cumünala in scrutin avert cun 140 vuschs cunter 41 vuschs la cumpra d'acziun da la TESSVM SA.**

#### 4 Comunicaziuns e varia

##### Varia:

##### Publicaziun dals scrutinadurs

Ün votant giavüscha cha pro las prosmas elecziuns (p.ex. elecziuns da la suprastanza cumünala, grond cussagl etc.) gnian publichats ils scrutinadurs fingià ouravant. L'intimizium dal votant vain tutta incunter.

##### Zonas da fabrica

Ün votant preschaint ha constatà cha eir il Cumün da Zernez haja massa grondas zonas da fabrica ed as dumonda sco cha'l cumün prevezza da proseguir. Il president muossa via cha in connex culla revisiun totala da la planisaziun cumünala vegna quista problematica trattada e chi nu saja in tuot las fracziuns la listessa agravanta.

##### Ouvra electrica Sarsura

Ün votant as dumonda scha'l proget da l'ouvra electrica Sarsura saja sepuli, cun la decisiun da l'Elcom. Emil Müller spiega cha cun üna prestaziun brutto da suot 1'000KW/h possa la situaziun gnir plü problematica. Il president manzuna eir cha pür davo chi saja quia üna decisiun da sustegn davart dal la „KEV“ as possa analizar scha'l proget saja amo economic o na. Perquai vain intant tgnü inavant vi dal proget Sarsura.

##### Infuormaziuns davart da la Cooperativa Vita e Chüra Zernez

Il president da la Cooperativa Vita e Chüra a Zernez, Jörg Luzi ha referi sur da l'andamaint da la gestiun da la Cooperativa Vita e Chüra.

El manzuna in si'introducziun cha l'anterior Cumün da Zernez vaiva decis quella vouta in sia radunanza cumünala dals 25 favrer 2013 d'imprastar a la Cooperativa Vita e Chüra chf 1'000'000 per la realisaziun dal fabricat in Röven 8 a Zernez. Il fabricat da la chasa Röven 8 chi cumpiglia tanter oter eir la pratcha da meidis e la dmura da la chüra ha cuostü finalmaing chf 4'861'000. Ill'associaziun fan hoz part sur 130 personas. La chasa Röven spordscha constant var 15 fin 20 plazzas da lavur. Dürant ils prüms duos ons haja pudü gnir tutta a nüz la spüerta da las abitaziuns e da la gruppa da chüra fingià da raduond 40 personas. Jörg Luzi ingrazcha amo üna vouta a las votantas ed als votants pel sustegn fich generus.

Il president cumünal ingrazcha als preschaints per la cumparsa e per l'interess demuossà, giavüscha a tuots ün bel temp da prümavaira ed invida ad ün aperitiv.

Il president  
  
Emil Müller



Pel protocol  
  
Giovanna Weber

Dürada da la radunanza:  
20:00h fin 22:30h